



ADMINISTRACIÓN LOCAL

MUNICIPAL

CARIÑO

Aprobación bases reguladoras e prezo público Concilia-Semana Santa 2022

Faise público, a efectos de xeral coñecemento, que a Xunta de Goberno local, na súa sesión extraordinaria celebrada en data 28/03/2022, adopta o seguinte acordo:

2º.- APROBACIÓN, SE PROCEDE, DO PREZO PÚBLICO PARA O CAMPAMENTO DE CONCILIACIÓN “CONCILIA CARIÑO TODO O ANO”-SEMANA SANTA 2022 (EXPDTE 2022/S011/000001).

Visto o texto da xeral de prezos públicos do Concello, publicada no BOP nº 231 de 07/12/2016.

Vista a proposta e a memoria formuladas polo Concelleiro de Cultura o 18/03/2022, sobre a necesidade de establecer un prezo público pola prestación do servizo da actividade de campamento Semana Santa 2022, que se realizará no Concello os días 11, 12, 13 e 18 de abril de 2022.

Vistas as correspondentes bases reguladoras.

Vista a memoria económico-financieiro da Interventora de data 25/03/2022

Visto o informe conxunto de Secretaría e Intervención de data 22/03/2022.

Realizada a tramitación legalmente establecida, a Xunta de Goberno por unanimidade dos seus membros, e en votación ordinaria,

ACORDA:

PRIMEIRO: Establecer o prezo público pola prestación do servizo da actividade de campamento Concilia Cariño todo o ano-Semana Santa 2022, que se realizará no Concello os días 11, 12, 13 e 18 de abril de 2022.

O feito do que deriva a obriga do pagamento é a asistencia dun menor ao citado campamento, e os suxeitos pasivos do prezo público son os pais/nais ou titores legais. O prezo por asistencia ao Campamento é de: 1º membro da unidade familiar: 16 €, 2º membro da unidade familiar: 12 €, 3º e seguintes membros da unidade familiar: 9 €.

SEGUNDO: Establecer a exención do pago do prezo previa recomendación polo Departamento de Servizos Sociais, trala acreditación da situación de asistencia aos campamentos e da imposibilidade de asumir a cota por parte da familia.

TERCEIRO: Autorizar o gasto con cargo á partida 231-22799 do orzamento municipal de 2020, actualmente prorrogado.

CUARTO: Aprobar as bases da selección do Campamento Concilis Cariño Semana Santa 2022, que establecen de forma literal:

1. OBXECTO:

O obxecto das presentes bases consistirá en establecer as pautas para a selección da poboación destinataria do presente programa.

2. PERSOAS DESTINATARIAS:

A poboación destinataria é a infancia do Concello de Cariño e Concellos limítrofes, con idades comprendidas entre os 3 e os 12 anos (árboles incluídos) matriculados en Educación Infantil e Primaria.

3. LUGAR E PERÍODO DE REALIZACIÓN:

O campamento desenvolverase no CEIP Manuel Fraga Iribarne durante os días **11, 12, 13 e 18 de abril**. O horario será de 10 a 14 horas, de luns a venres. Ofertarase un servizo de acollida entre as 9.30 e as 10 da mañá e de recollida de 14 a 14.30 horas.

4. PRAZAS OFERTADAS:

O campamento Concilia Cariño oferta 36 prazas para os nenos e nenas que cumpran os requisitos de admisión. Este número de prazas poderá sufrir axustes segundo a normativa establecida polas autoridades sanitarias debido á situación actual provocada pola Covid-19.

Resérvanse 2 prazas para nenos e nenas con discapacidade igual ou superior ó 33%. A asignación destas prazas realizarase a través dun informe técnico dos servizos sociais tendo en conta os beneficios vinculados ó feito de participar nas actividades que se van a desenvolver. A discapacidade deberá acreditarse co certificado de discapacidade emitido polo órgano competente.

No suposto de que as prazas reservadas non se cubran, éstas pasarán a acumularse ó resto das prazas.

5. PRAZO DE SOLICITUDE:

O prazo de presentación de solicitudes será do **7 días hábiles dende a publicación das presentes bases no Boletín Oficial da Provincia.**

As solicitudes deberán ser asinadas polo pai, nai ou titor legal do menor e presentaránse no Rexistro Xeral do Concello ou por calquera dos medios previstos no artigo 16.4 da Lei 39/2015, do 1 de outubro, do procedemento administrativo común das administracións públicas. De presentarse a solicitude no Rexistro do Concello **de xeito presencial** debe solicitarse **cita previa**.

No suposto de que, transcorrido o prazo de presentación de solicitudes e unha vez publicada a listaxe de admitidos definitiva, continuarán quedando prazas sen cubrir, calquera interesado que cumpra co requisito relativo á idade de participación e presente a documentación requirida nas presentes bases, poderá solicitar a participación nas actividades de campamento.

Neste último caso, a admisión se realizará atendendo á orde de presentación de solicitudes ata cubrir o número total de prazas ofertadas. Consideraránse admitidos todos aqueles que cumprindo o requisito da idade, acheguen a documentación necesaria e aboan as taxas.

6. REQUISITOS DE PARTICIPACIÓN:

a) Os/as participantes no campamento deberán ter entre 3 e 12 anos, ámbolos dous incluídos, e estar matriculados en educación Infantil ou Primaria.

b) Terán preferencia os/as menores empadroados no concello de Cariño.

c) No caso de que, atendidas as solicitudes que cumpran o requisito anterior, quedaran prazas vacantes, terán preferencia os/as menores cuxos pais, nais ou representantes legais cos que convivan e teñan a obriga do seu coidado, traballen no termo municipal do concello de Cariño e así o acrediten.

d) Atendidos os criterios anteriores de preferencia, se persiste a existencia de prazas vacantes, queda aberta a participación ás actividades do campamento a calquera que presente solicitude e cumpra os requisitos das presentes bases, atendendo ó orde de presentación da instancia.

7. CRITERIOS DE SELECCIÓN:

a) Respectando as preferencias a que fan referencia as letras b) e c) do punto 6, en primeiro lugar seleccionárase aos nenos e nenas daquelas unidades familiares nas que ambos proxenitores, teñan vivente unha relación laboral en horario de mañá acreditando, esa circunstancia no prazo de presentación de instancias ou estean realizando un curso do plan de formación en horario de mañá impartido dentro da formación para persoas desempregadas das distintas administracións públicas. No caso de non acreditarse debidamente entenderase que non se atopan en ningunha destas circunstancias.

No suposto de separación, divorcio ou familias monoparentais atenderase a que este requisito se cumpra respecto do proxenitor que se atope a cargo do/a menor.

b) De contar con máis solicitudes que cumpran este criterio que prazas vacantes, a selección farase seguindo a orde de inscrición, sempre respectando as preferencias anteriores, isto é: da totalidade de participantes que sexan menores empadroados en Cariño en primeiro lugar e só de quedar prazas vacantes, os menores de proxenitores que traballen en Cariño.

c) De resultaren prazas vacantes, unha vez adoptados estes criterios, os restantes participantes no campamento seleccionáranse por rigorosa orde de presentación das instancias.

d) Unha vez cubertas o máximo de prazas ofertadas, o resto de aspirantes pasarán á lista de agarda. A orde dos aspirantes na lista de agarda virá determinada pola orde de inscrición.

e) Os participantes perderán o seu dereito á praza no campamento no suposto de contar con máis de tres faltas sen xustificar. A xustificación deberá realizarse ante a empresa encargada do servizo.

8.- SOLICITUDE E DOCUMENTACIÓN A PRESENTAR:

- Solicitude asinada
- Declaración responsable COVID – 19

- Fotocopia dos DNI das persoas autorizadas para a entrega e recollida
- Fotocopia do DNI do/a menor
- Fotocopia da tarxeta sanitaria do/a menor
- Fotocopia do libro de familia ou número de rexistro dixital
- No caso de ter certificado de discapacidade, copia do mesmo
- Documento acreditativo da situación laboral ou de estar realizando formación regrada para o emprego (cabeceira da nómina, xustificante pago autónomos, vida laboral, etc...). Para acreditar a situación descrita no punto 7,a); presentarse declaración responsable acreditativa na que se indique o horario laboral de ambos proxenitores.
 - No caso de separación/divorcio entre os pais, copia da mesma para acreditar o réxime de custodia.
 - Certificado ou informe do empregador acreditativo de que alomenos un dos proxenitores está traballando en Cariño ou declaración responsable. (No caso de atoparse nalgunha das situación descritas no punto 6).

A comprobación do empadramento no Concello de Cariño farase de oficio polos servizos municipais, excepto que non se autorice esta, en cuxo caso deberá acompañarse á solicitude.

9.-TRAMITACIÓN DAS SOLICITUDES

A comprobación dos requisitos e do cumprimento dos criterios de selección realizarase polos Servizos Sociais do Concello de Cariño.

10.- LISTADO DE ASPIRANTES ADMITIDOS E EXCLUÍDOS

a) Comprobado o cumprimento dos requisitos das persoas solicitantes, elaborárase unha lista de admitidos e excluídos, indicando o motivo da exclusión.

b) Este listado publicarase no taboleiro de anuncios electrónico e concederáse un prazo de 3 días hábiles para subsanación ou presentación de alegacións.

c) Transcorrido o prazo anterior, resolverase a listaxe definitiva de admitidos e publicarase do mesmo xeito.

d) Os solicitantes que aparezan na lista definitiva de admitidos que se publicará no taboleiro electrónico do concello, disporán de 3 días hábiles a contar dende o día seguinte a dita publicación para realizar o pagamento na conta bancaria do concello.

11.- PREZO PÚBLICO.

En virtude de acordo da Xunta de Goberno Local de data 28/03/2022 establécese o prezo público pola prestación do servizo da actividade de campamento Concilia Cariño Semana Santa 2022, que se realizará no Concello os días 11, 12, 13 e 18 de abril de 2022.

O feito do que deriva a obriga do pagamento é a asistencia dun menor ao citado campamento, e os suxeitos pasivos do prezo público son os pais/nais ou titores legais. O prezo por asistencia ao Campamento é de: **1º membro da unidade familiar: 16 €, 2º membro da unidade familiar: 12 €, 3º e seguintes membros da unidade familiar: 9 €.**

QUINTO: Publicar o presente acordo no BOP e no Taboleiro electrónico municipal.

Cariño, 28 de marzo de 2022

O Alcalde

José M. Alonso Pumar

2022/1623